

不肯內尋諸已堅剛外覓多求傍門小法久  
淹流此輩難為拯救。把似守株待兔爭如  
冒雪騎牛華胥國裏恣遊干夜能令返晝

長思仙

妙中玄乘和鉛進火功夫鼎沸煎靈砂顆顆  
圓。內功全外登仙神水湍流逆上天輕乘  
一葉蓮

道平夷性依佛水火相交坎與離陰陽自有  
期。用華池浴琅肌瑩魄兒童天外飛靈光  
耀紫微

○月華池浴靈龜口吐祥雲化玉霓神光耀紫  
微。昱朱衣菽冰肌焯約隨風天外飛琳宮  
自有期

掉掉掉

銳出玄精終宵未陽焰瑛華祛妖惡寶梵晶

空通照過丹風秀萬靈无不可。自然妙用  
无為作結角羅紋勿差錯朋儕那裏全无箇  
說與呵清風明月我

玄溟精心從初末罔象恆恆司善惡闡察无  
私非失過真與假會盡都小可。存亡得失

由人作但向玄門无今錯退隱林泉誰與箇

俗情无青山綠水我

厭世憶朝元

雲收霧散天風凜顯出玲瓏月形釋心凝澄  
俗亘古无圓缺。千潭現寒光攝洞濟溟陽

哲仙丹煉就真惟恍異日朝金闕

黃鸞兒

歡喜歡喜漸得清活計透煙蘿湛湛圓明照  
蓬瀛徹底。物外逍遙无拘繫任水雲霞際  
料家中指望還鄉我不去不去

漁家傲

一笠一蓑堪倚靠波光曲岸垂釣釣醉醺汗  
危自頻音高吟笑儘教人道漁家傲。獨弄  
无絃琴一操箇中始覺知音少江月盈山空  
相照誰登眺蟾宮唯我親曾到

上七

十



上清太玄集卷之七

上清太玄集卷之八

姑射侯善淵述

上六

繼古韻和骷髏頌十首

骷髏非骷髏非一堆白骨卧沙堤榮華富貴  
今何在空伴白揚千古碑

骷髏貪骷髏貪名利財色飽經語劈碎塵勞  
居物外一靈真性出雲庵

骷髏嗔骷髏嗔滅火灰心絕我人養就神光  
沖碧落一天空淨掃紅塵

骷髏癡骷髏癡破破般般總不知抱守一靈  
真覺性祥光冉冉昱朱衣

骷髏憂骷髏憂跳出浮華萬事休坐看一天  
元始道凝空心月照清秋

骷髏知骷髏知迴光返照不思議認得本來  
真面目靈光一泓接天齊

骷髏笑骷髏笑思山裂破搜玄妙遍觀天地  
匝虛空圓明亘劫無磨耗

骷髏言骷髏言了達希夷不假難空中養就  
無名物冥冥杳杳接光寒

骷髏說骷髏說一條玉柱通天徹萬道霞光

倚太空真心始覺自然別

骷髏休骷髏休道遠坦蕩樂無憂蛇虺任遊

天漢國乘鸞跨鳳入瀛洲

又繼古韻

地杰騰騰漸結凝亂橫天漢太无晴被余拂

盡昂簪看獨顯高寒惠日明

一掃碧天空宇靜皓然三界暮雲晴懷中抱

出團團月萬象參羅絕點明

迷雲拂盡三山瑩俗霧衝開四遠晴直下邊

疆安足定昂頭一匝太虛明

覺海澄澄秋水澄寒空湛湛素波晴靈童捧

出无瑕玉光耀无邊處處明

久匿昏衢天地暗雲收霧欲豁然晴隨風抱

下天邊月萬象叢中獨自明

舒手擘開雲漢頂香冥廓落太空晴乾元許

我神通大皎燦陽光萬里明

又繼古韻

豁然一點達真機奪得玄珠世罕稀瑩淨不

繁塵汚染侍者金鼎篆煙飛

琴堂默默頰玄機門外苔青過跡稀道院寂

寥无俗物松風飄落亂紅飛

了達真詮上上機空中髣髴絕塵稀陽光一

點穿无有穩駕香風鶴亂飛

吾留一法奪天機占了神功絕世稀自有靈

童朝玉闕汨羅江上跨龍飛

了得玄玄絕妙機子家至道罕然稀空中蠶

出无名朴一點靈光天外飛

金關幹轉運樞機數點流星出世稀神力撈

開乾坎位撼搖滄海搏天飛

遍應

十方遍滿塞氣飄落人間處處通神契道

淵炎日瑩性同圓海月華風

元始

天尊設化通娑婆普濟蒼生道炁和返照還

元拋雪浪迴光玉露洒星河

通真

識破皮囊幻化身細搜玄妙躍凡籠坎离進

出神光燦日月相交透鼎紅

體用

道力神威遍大千无形无影透山川曹溪浪

淨遊魚戲天岸波清覺海淵

背覺

衆生不覺過青春昧了靈明浩劫真踪性克

頑多執閉无明火發縱貪眞

迷眞

眼前日月隔天涯滿目清虛翳膜遮洗滌翳

塵明返復玉嬰神變洞雲霞

運化

一炁虛无太始中高空爛熳曉霞紅包羅宇

宙无纖翳照破乾坤慧力通

冲和

祥煙塞戶蘊金關窈窕虛空任往還流注水

銀平滿鼎雲濤高泛玉京山

開元

初發玄元道无生壺中一味雪花身通流灌

鼎瑤池淨燕罷還純透體清

混合

鈇乘相吞入鼎爐烹煎日月煉虛无崑崙火

發无煙焰養就神丹射玉壺

神淵

渺渺仙源海眼深雙泉輕泛水中金龍藏潭  
底風波定虎卧溪邊運古音

聚化

皆成大道化神功撮聚玄機入鼎中煉就金  
丹光皎潔一丸封上五明宮

擒玄

江邊扯住烏龍尾頂上扳翻白虎頭奪得夜  
明珠一顆千條光焰接天流

雙關

神鬼相交各所情自然心定顯真靈能教姪  
女扶桑戲解使嬰兒弄月明

昇降

三宮昇降產靈芽爐鼎飛霜吐翠砂輝落滿  
天紅藥綻乾坤遍撒美金華

開明

道眼觀天一冰清還將寶鼎水銀平紅霜片  
片飄金戶白雪團團降玉京

生成

陰陽交換稟天然萬化生乎一法獨得一无  
拘真自在逍遙獨暢箇中玄

真人

靈寶真人法位尊常登月殿躍神林三清境  
上遊空廓四海鳴聞玉珮音

神化

真人獨坐隱雲寥凝翠煙嵐接遠朝寂上撮  
晴光月聚玉蓮羅列兩三苗

胎光

周天一點流星落適照臺中光閃爍煉就胎  
仙入故鄉悠悠永住三清閣

通明

大竊點開通法眼无明撥盡遠星羅高天推  
出千堆玉平地騰空萬丈波

曠體

无名无我亦无形一體同觀古帝京淺智鈍  
根生孰見豈知光列眼淵明

真筌

太玄真覺出塵勞頓悟虛心道眼高自有王  
童朝紫府鬱羅天上跨金毛

威神

予抱天風真夙骨因師點化作仙才囊中莫

有銅頭漢舞劍交光劈寶臺

仙柱

月宮丹桂无人折紫府蟠桃向日開二物採  
來收入鼎一般香味馥仙階

混物

疑真森森接蒼天浩鬱臨空鎖翠煙高捲碧  
霞關月殿夷門羽化列金仙

神劍

磨關三尺如霜雪日曜爭光飛電撒昨夜三  
更去報讎青鋒點汚猩猩血

識破

利名財色勿剛求火院何時是徹頭爭似道  
遙雲水客香冥空外得真修

出關

筇杖橫挑巨藥瓢雲袍風送過浮橋袖携三  
尺青鋒劍斬斷烏龍數百條

精微

精聚玄微道太明移神寰海樂清平一陽運  
入三花鼎二炁收歸七寶瓶

水火

東溟滾出燒空火西海澄凝浪碧紅二物混  
成天地秀滿朝精耀遍和融

廣慧

劍斫金山石火流三尸併盡萬緣休被子撒  
起謾天網撈箇虛空似日頭

有元

空裏尋空認得空豁然空裏見神通從今不  
問紅塵事自有瓊花滿洞中

秋夜

一氣盤浮絕漢晴蕭蕭夜雨洒秋聲時人不  
見常娥桂唯我蟾宮獨自行

威光

萬緣豁盡消諸業頓覺希夷絕妙玄數片黑  
雲揮島外一懷心月滿空天

元和

一炷初分天地判三才立象化靈機移心返  
入黃金室產箇明珠照幌幃

訣正

道德陰符太始篇學人不曉謾求仙金書玉  
篆人輕弄怎辨吾師玄又玄

靜用

誰向玄中立靜機湛然常守太淵池日輪幹  
轉開心徑天地常觀作細微

絕念

身靜心清意亦清內容常守炁神寧搜開寶  
藏玄珠燦光鑑蓬壺萬象明

降龍

聲開天頂任遨遊正見蛟虬戲廓舟大喊一  
聲山海破劍尖追下赤龍頭

神丹

一顆飛丹鎮上方元神精燦日爭光炎凝焰  
爍燒空界赫退群陰盡化陽

神通

按劍神威過華陰咬牙忿怒騁胸襟攢眉譁  
破群魔膽睜目驚摧百怪心

通玄

離欲虛心開慧目凝空睛倚无瑕玉玲瓏翠  
色放英華遍照十方知可足

混合

降落天魂騰地魄沖和上下无瑕謫太方周

匝過无隅走玉飛金相間隔

功高

道德清名播海涯天厨賜福善功加有朝翔  
翥飛霄漢昇入雲深弄翠霞

神威

偶因劈劍上天羅殺退群陰百萬多玉兔驚  
迴尋窟竅金鳥飛上桂枝柯

威靈

坐間飛劍騁神威摧落天網太華齊扳下月  
宮擒玉兔蹉翻日殿捉金雞

雜降聖觀

已同達士明真偽不契迷徒說是非有日丹  
成飛宇宙太虛曠體是余歸

陳仙問空中不空

至道无形若太空移神混物體皆同江山極  
數猶存此天地无窮在彼中

賈仙問不空不有

不空不有是圓成執此圓成亦假名了達太  
女生實相中无物湛然清

郭仙問玄之又玄

問道玄中復有玄立機天外一重天混元上  
下无纖障妙化圓通大覺仙

党仙問杳冥

杳冥冥精恍惚神威撻碎天筋骨礙空器  
落太淵明獨立乾坤无一物

劉老先生問體用不知仙路

神用仙機體大方凝陽闡出好祥光先生已  
得歸真路不覺隨風入帝鄉

焦小仙問出家

擺脫塵情業火牽功名富貴盡除獨男兒已  
立衝天志奪取名標掛列仙

劉先生問真空妙用

真空至道杳无蹤妙用順神萬象同太一壺  
中收皓月廣寒殿裏弄清風

董仙問至死不返

盡終一志若初心至死无由入罪林常守藥  
爐三鼎玉每存丹竈一壺金

李仙問不属中間與内外

外遍无體内无修中道離微絕所求萬法一  
齊俱拂盡更无閑事繫心頭

齊長老問大道

忽然頓覺悟心珠照破塵寰一物无道士得  
資為正教禪僧以此號真如

陳仙問龜毛兔角

木馬嗥天磨兔角泥牛吼地刮龜毛生擒二  
物歸黃道永鎮乾坤不動搖

梁仙問入道歸真

幼年貞烈若冰清風有仙風慧骨靈睡裏喚  
廻閑道眼夢中驚覺頓圓成

大張仙問不居山不住庵只此一著

如何頓放以此故述二頌

不繫青山不住庵神飛天外出煙嵐鶴隨紫  
府朝仙主鳳引家陽謁老聃

跳出茅間不隱山蹉跎信任樂清閑隨風永  
住乾坤裏抱月常居天地間

張仙問不觀假相所認真形

一堆臭穢終歸假兩點睛光不足矜欲認本  
源真法體同觀相外若飛星

齊長老問搥在餅中長大飛出兩般

俱不壞

生居小隱入餅中不懼翔鸞意氣雄欲問兩  
全俱決聖鵝飛天外寶餅豐

郭仙問火裏清涼

焰火炎炎燦日光形神俱妙得清涼永同太  
始无增減已得玄元立久長

李仙問證道

相逢目擊道知通識破千經萬法空不在名  
山頻禮問免伊雲水苦參同

郭仙問至死不迷

大道一條平穩路盖因自昧不知歸予今指  
你通天徑昇入瑤宮辨細微

董仙問曹溪

認得曹溪兩路侵京山掩映對雙林雖流小  
水成涓滴透入靈源覺海心

党仙問上天梯

先生欲識上天梯立玉橫金倚翠微若到蟾  
宮觀此景也教惺爽悟丹機

雷仙問至神合道

道法三才已久長神通至妙覺清涼混成一  
炁歸无首獨立先天道德鄉

郭仙問不神而神

凡夫都總奈邪神誰肯迴觀認本真若向此中心決正清涼路上笑紅塵

閻仙問內外相通

閉目澄虛達妙玄開光應物混先天沖和一

道祥光起透入寥陽象帝前

張仙問國之利器

中元上德明金國三寶盈留光美玉物利常將潤百關皇天賜我真清福

王仙問希言自然

希言至道自然別不似飄風時暫歇道德常同藥亦之通玄无失妙清絕

張仙問知白守黑

放開慧日照千光上下容明盡化陽夜靜抱元常默默寂然不動應時長

大閻仙問妙法

上清妙式洞虛玄達者心開渡法船越出洪波登彼岸元神透入瑤陽天

劉老仙問三教歸一

如來妙法談真性太上玄機說太丹孔子五

常明日用三乘混一太虛間

老子如來孔聖同世人不知闢爭風假名三教云何異總返蒼蒼一大空

小張仙問生之畜之道發機生德畜之陰陽泄化自依時若將此

理迴光照仰望蟾宮看桂枝

董公問虛无生有

道法虛无本自然生成大地覆三天中間日月明空象開闢陰陽萬古傳

張老宿問甚門戶是修行

清淨門中認的端莫教塵事向心攢林間若指曹溪路坐看如來入涅槃

張仙問天性人也

天性冥冥通祖道達人以此稱名號順心機密混中元此是神仙真秘典

王先生問日用道德

慈惠忠廉志氣清澄空顯出谷神靈執其大象安平泰左右逢原觀玉京

陳仙問无速无閉

太始門開通慧目靈光照徹明虛谷谷神不

死永安康遍納諸方无偃塞

大閻仙問善惡果報

惡行自招災禍應善功天賜福相隨吉凶兩事由人造至在臨時各自為

王仙問三要混一

剔起上天一鼎竅精光赫日通明照元生殺立初機三一混成真要妙

張仙問內中日月

日月交光大小分燒丹方使鼎爐薰聖功漸覺神明出乘鳳凝陽謁帝君

張公問升降浮沉

日魂月魄定浮沉上下融明大小侵聖智剖開天井玉神功撈出滿坑金

大閻仙問三一无分

靈波滾底三光秀神水盈流一法均獨立寥寥和有象孤然默默混元分

勸道眾學爐火

時人都總學燒金誰肯除貪煉本心達道不教財色染修真何用利名侵

陳仙問絕學

絕學无憂通妙理乖慵懶墮不成真若將慵  
慵為仙道駭女忙郎盡出塵

大張先生問性命

視之无物聽无聲視聽猶然亦假名這箇本  
來无可比有如風月照天庭

惜恁存精養命機坎中神火復燒為一陽生  
起乾元象丹就昇仙謁紫微

陳哥問无疑

離覺无聞絕見知契神合道兩忘機心中不  
起无明障妙化昇玄入太微

陳公問北斗

七元橫海運樞機幹轉天輪萬象随斗柄指  
迴開上竅眾星拱受至玄微

陳小仙問大國烹小鮮

大國无為帝象權民安其業若烹鮮鬼神相  
會中黃位日月扶真合自然

勸門人善惡不定心有二用

天網恢恢覆載通察人善惡在其中好將志  
氣歸真正克使功勤盡落空

許仙問獨立而不改

上清至道獨為先混一无生大象全寂靜卓  
然无易變亘初常在立幽玄

許仙問混物而无窮

一顆靈光射太空混然獨立徧无窮古今不  
改長如此大納乾坤一體同

張仙問歸真明物

開元剖覺明真物善達先賢同上德內抱靈  
源香杏精外存神識昏昏默

党仙問天地為體虛空為用

天象乾元地象坤陰陽否泰併相吞剛柔已  
定浮沉位中道虛心慧日奔

張仙郭仙問在家修行

同塵不染善居家在欲无私別世華不若張  
駕超苦海長河天賜抱靈樞

柳老宿問佛因果

大覺金僊說遍知化人佛眼悟菩提通天上  
下无因果蓋為眾生各自迷

衆道友問邪者以幻為患必遭其殃

執幻施功養患軀恰如垢膩汚心珠合塵背  
覺千真速弃道離微萬物拘

又問正者以導為道必獲其福

育性存精至道明冲玄鬢化神嬰凝陽大  
闡祥光燦應用飛玄徑上昇

祐仙問出入有

出无通顯明象象入有還元合本機顛倒兩  
瓶俱訣正勿生分別是和非

許仙問出入有入无

出有洞淵明造化入无還覺頓元初空中自  
有天珍寶露現玲瓏照海珠

一問出有入无一問出无入有同用

如何下手

出无見有元神象入有還无悟性珠有有无  
无俱可弄開明太古立元初

趙仙問人心合天心

人心須是合天心內外明知性海深認正法  
身非色相靈光高渺照清音

丘仙問天人合發

天人合發立其機萬變之中定至微左右逢  
源明寶鑑滿天飛炫素光輝

董仙問物性存根根生於上

芸芸萬物返歸根花發成榮至上存復命善  
亨知古蒂願神叩道入玄門

僚仙對衆不問以此為題

因甚僚仙不索題廣通玄覽善搜機存三默  
語明真覺守一忘言絕見知

贈茹老宿劉老宿論如來覺性

善通天眼悟如來頓見靈音慧日開阿耨池  
中生五葉青童移向火中栽

趙仙問谷神不死

谷神不死立天根玄牝綿綿亘古存北海溟  
溟騰地魄南洋灼灼降天魂

趙先生問虛谷元神

上玄虛谷靜元塵萬泓陽光觸目新利物一  
源明覺性善生三要頓元神

王仙問陰性陽神

陰陽返復定中央內外相通道德長開目靜  
思庚虎性開晴明現甲龍光

趙公問上善若水

萬點靈波穿宇宙千淵神水灌乾坤溼源一  
泓生天地澆溉黃芽長蒂根

李仙問還將上天炁

九五魂飛徑上奔還將元炁入天門洞玄靈  
寶生成體大化虛皇第一尊

丘先生問道眼

道眼明知至本真隨機應化善通神開天分  
地歸元始正見堂堂妙法身

同官李問上清之道

上清元首道之尊天命司神萬化存物利百  
源沖坎户混成一炁躍禹門

焦先生問无罣礙

靈明通化外其身脫洒孤然絕點塵心若礙  
珠无染污更將何物礙於真

相老仙問道契其理

太玄合發定其機固蒂存真志不移藥就還  
童清骨格丹成返老永无衰

柳居士問精進

六時精進念彌陀慈惠无邊施利他兩轆清  
風收地陌一輪明月上天河

柳老宿問般若船

般若船中一物无月明空載出香衢雙林樹

下開心寶鹿野園中悟性珠

相老仙問太玄

太玄真覺出塵情露一凝珠照海清龍躍浪  
翻光宇宙射開天鼎曠然明

柳仙問丹藥

一瓢仙藥一壺丹貨貴凡間入市鄧幾度不  
逢真烈士復將此物上瑤天

劉二仙問虛廓

靈源虛廓正无餘露出天晶照眼珠无始已  
來呼祖道至今由此喚真如

贈張李二公鐵爐

素釜風煽熾火光爐中閃爍聚真陽鋼錘煉  
就飛神劍兩刃青鋒耀太蒼

柳先生問陰陽顛倒法

陰陽返復生乾位龍虎相吞入兌方兩箇玉  
童扶寶鑑煥然光射水晶堂

羅先生問大道順神

天地沖和養至精混成一炁谷神靈放開皓  
月千尋底躍出胎光萬里明

常先生問寶主



至道精宏純莫立運行大象天空日定光永  
鎮入中元煉就陽神功可畢

張謀克問六洞飛玄之炁

道行三要自然機神運精華炁象隨德化靜  
光瞻魄踴道順清英日魂飛

張先生問萬變定機

萬變靈樞物我隨威光順化應其機天人相  
發生成位合抱純風永不迷

劉家郎君問陽神

元精一泐逆天心灼灼凝祥匪幻陰渾似流  
星騰古月有如走玉問飛金

馬校尉奔假還真得真何往

凡胎濁骨非真體玉貌清肌是法身出入夷  
門風作伴雲堂高卧月為隣

張仙問絕妙機

欲付重玄絕妙機恐君无信轉生疑有朝跳  
出塵勞網拊耳丁寧說細微

李仙問獨坐蓮臺

獨坐蓮臺守自然實地凝望月華鮮蟾宮幾  
度親曾到敢對常娥說妙玄

康校尉問太玄

太玄真覺出塵忙佩劍携笈入大方野鶴孤  
雲為伴侶林泉風月是家鄉

王先生問始達妙音

照了名為達妙音闡開清目絕荒淫一靈真  
性通元象應用隨時運古今

劉先生問天上混无分

上玄虛化混无分聚攝陽光致法身永契道  
機无別體化成仙骨自燃人

陳校尉問真風花

真風吹綻翠煙霞日殿瞻宮散寶華結就一  
爐天地髓聚成兩鼎夜明砂

尹行者問靈源

覺海靈源古佛堂金門出入善開張菩提路  
上清心瑩般若池中露性光

庵主劉先生問壺天

一壺精煉一壺天恍惚之中達妙玄幻夢頓  
拋飛宇宙塵情割弃化雲仙

牛老仙問心香

一道清香出玉歌結成華蓋入紅霄月中寶

篆烹非走日裏金精煉不凋

牛仙問幹運

幹轉天輪翻牝馬推開地户運乾牛禹宮赤  
子擒星月坎殿青童捉日頭

牛老宿問一言可悟萬法皆通

自從剔起眉毛睫萬法門開俱總攝定慧圓  
明塞太空靈光照滿恒沙劫

趙二仙問身中寶

擊開荆谷見天心露出无瑕七寶琳瓊叢  
中觀美玉瑤璃堆裏看精金

張老宿問見聞

洗耳旋聞敲玉聲滌睛常見擊金鐘幽人欲  
識禪家意笑指庭前古老松

牛道首問如意寶珠

如意機同聚寶瓶珊瑚碼碼燦華英瑤璃八  
色渠中有顆顆明珠逐上行

田老仙問被我

太一門開无被我清涼激被燒身火无明化  
作紫玄霜變就神砂丹一顆

鐔仙問如何是靈寶

洞玄靈寶揚眉處妙色如來瞬目間赤鳳翼  
歸金水谷青鸞飛上玉京山

柳老仙問心月

撥開雲翳見天心放出秋塘十萬尋沖滿太  
空千塊玉盈流道眼兩錢金

王二仙問通元

通元妙覺正無餘頓見靈音照眼珠適體旋  
翻紅霧起渾身撈出素光舒

王大仙問雙闍

日殿龍蟠金鼎靜月宮虎遶玉爐寒一雙玉  
女乘丹鳳兩箇童兒駕彩鸞

高仙問元始懸珠

元始空懸黍米珠衆真相會喜安居大包天  
地猶然刺過納乾坤亦有餘

衛仙問內外一元不著空見

相交內外本无形混一純精合利貞不著有  
无何是我碧天星炫照寰瀛

華陰張仙問鈇杵

鈇杵收歸火裏藏煉成一鼎紫金霜團團結  
作神丹象燦燦流明煥日光

孟老仙問有人認得靈靈物十百元  
來是一千

開元始覺靈靈物至聖通玄精恍惚善計方  
知一大千不離神式明虛谷

霍校對問空中顯性

大音无物物皆空躍出玄珠太古同神入翠  
霞擒皓月性遊煙浪振清風

馮仙問居家出塵

清廉貞潔任家居運化神光出幻軀混海蛟  
虬吞日月穿山兕虎戲明珠

王仙問出家

富貴功名一劍揮塵情棄捨恰如泥鯨鵬出  
海摩天翼鳳去離巢越日飛

劉仙問色身衰老法體青春

妙體方知倚幻身有如茅屋寄居空兩軒明  
月陽精燦一戶清風浩氣沖

贈王四郎亡母收淚

莫謂思深繫遠情到頭都是一虛名收睛始  
覺清眸瑩歛淚方知道眼明

小張仙問神化

焯約神風出洞天玉崑橫碧掃空煙沖玄應  
象千真瑩至道精宏一物鮮

單法師索問休收憂修四字為題

意隨雲木利名休仗劍囊中取自遊遇到山  
頭擒兕虎每逢海底斬蛟虬

收

團圓日月鼎中收慧進炎凝熾火流撥焰青  
童乘托馬開煙赤子跨軋牛

憂

善通靈覺永無憂泛泛陽光遍匝周鳳熾日  
輪歸海巖龍張月角出山頭

修

漸入玄門已得修指開天眼悟青眸巨靈扯  
斷烏龍尾廣惠扳翻白虎頭

又四韻全取一絕

世界塵情意欲休盈流天寶洞玄收爐中大  
藥憂無就鼎內金丹喜有修

庵主劉先生問太玄

太玄真覺出置塵慧日祥光觸目新釋子悟

之明覺性道人知此頓元神

梁二仙問混俗和光

雖在塵居志氣剛訣然清操守真常關中暗  
覺乾坤大靜裏明知日月長

安仙問虛无之用

虚无无象絕知音杳默忘形極遠深龍尾纏  
迴天海眼鼉頭飛出曲江心

崔仙問本來面目

慧日盈流濟物无物无其物頓清虚傾陽一  
派燒天火混沌雙穿照海珠

段郎中間紫府黃庭

神遊紫府更何疑性入黃庭自合機一顆金  
丹明歷歷兩丸仙藥朗輝輝

閻仙問獨體圓明

剖開靈覺照圓通赫破塵勞物物空大悟玄  
門無内外混成至道獨為宗

上清太玄集卷之八

上清太玄集卷之九

姑射侯喜洲述

訴衷情

中朝金國聖皇明有慶賀清平天元運周甲  
子正是好修行○歸真靜體具清氣神靈玄

門闌化太上真風接引群生

玉爐金鼎虎龍蟠紅焰滿周天温涼自然水

火晝夜轉烹煎○精鬱鬱系綿綿養胎仙功

成還轉寶輦香車捧上瑤天

愛河深處好抽頭名利繫人愁迴首去遊江

上煙鎖一孤舟○琴一弄酒三甌樂清幽風

隣月伴醉卧瓊林夢入瀛洲

初開江月透雙林隱映素波深風恬湛然瑩

淨清夜好知音○白醪酒自然斟信時吟無

榮無繫露暢開懷一任浮沉

道遥無繫樂清閑信步且隨緣人來問歸何

處遥指曲江邊○楊柳岸半籠煙乍晴天滿

瀟清夜悄悄無人月滿空船

一天清秀一溪雲風月近為隣琴劍酒棋書

畫隨分樂天真○竹籬映草堂新靜無塵朝

茵不見滿目瓊花間隔靈椿

古今多少利名人棄命鬪爭功英豪盡歸何

處都總落沉空○爭如我洞庭中遣家童金

甌輕泛醉卧當軒一枕清風

衆生薄福樂聲聞精進謹持功修齋坐禪禮

念終久落頑空○真實相有無中好家風玄

元宗祖太始門開體照圓通

英公清列出塵緣不繫利名牽逍遙任居雲

水知命樂天然○窮妙理悟幽玄謹修仙功

成歸去引汝朝元穩步金蓮

神仙妙訣古今傳誰會此幽玄龜蛇自然呼

吸玄牝系綿綿○鈇中汞汞中鈇兩俱全抽

添加減進火功夫煉就胎仙

減字木蘭花

無情苦海壞壞衆生由貪愛爭似余家寂寞

林泉別世華○願真養浩肌肉冰清如玉貌

出入无間焯約隨風飄上天

深根固蒂天寶流霞光滿濟返照連天冉冉

程程玄又玄○无生无滅湛湛孤然明皎潔

昕散雲冢點破清虚上九霄